

## Ngorongoro Heroes uso kwa uso na Uganda



**K**ikosi cha timu ya soka ya vijana cha Ngorongoro Heroes kinataraja kushuka dimbani leo kikiwa kina matumaini ya kutinga hatua ya Nusu fainali ya michuano ya vijana ya CECAFA, wakati itakapovaana na wenyeji Uganda.

Mchezo huo ambao unatarajia kufanyika katika dimba la Pece, Gulu majira ya saa kumi kamili jioni, Septemba 29. Timu ya Ngorongoro inashuka dimbani ikiwa ina kumbukumbu nzuri ya kupata matokeo mazuri katika kundi B ikiwa kinara.

Kikosi hicho ambacho kinanolewa na Zuberi Katwila, kitashuka dimbani huku kikiwategemea washambuliaji wake wa kutumainiwa Andrew Simchimba na Kelvin Pius ambao mpaka sasa wanachuana kwa mabao, wakiwa kila mmoja ameweeka kimiani mabao manne.

Mchezo huo unatarajia kuwa mzuri na wa kusimua kutoka kwa vikosi vya timu zote mbili hasa ikizingatia wenyeji Uganda pia wana timu nzuri kama ilivyo kwa vijana hao wa Tanzania bara.



# REAL STARS DRINK RESPONSIBLY.



REAL STARS DON'T DRINK AND DRIVE.



18+ DRINK RESPONSIBLY.

# FIFA yaipa pongezi TFF Semina ya Wanahabari



**S**hirikisho la Mpira wa Miguu Ulimwenguni (FIFA) limetoa pungezi kwa Shirikisho la Mpira wa Miguu Tanzania (TFF), kwa kuandaa kozi ya wanahabari wa michezo Tanzania kuanzia Septemba 23 hadi Septemba 27, mwaka huu.

FIFA wamefurahishwa na uamuzi wa TFF wakuandaa semiana hiyo ya kitaifa kwa waandishi wa michezo hasa ikizingatiwa vyombo vya habari ni wadau muhimu sana na daraja kati ya Shirikisho, mashabiki na jamii kwa ujumla.

"Tunatarajia kusikia mambo mengi zaidi kuitia semina hizi za waaandishi wa habari hasa ikizingatiwa TFF kwasasa ipo katika mipango mbalimbali ya maendeleo ya mpira wa miguu Tanzania," alitoa pungezi hizo Marie-Florence ambaye ni Afisa wa Idara ya Maendeleo ya FIFA.

Semina hiyo ya siku tano iliwashirikisha wanahabari kutoka vyombo mbalimbali vya mikoa ya Tanzania Bara na Tanzania Visiwani na kuhudhuriwa na jumla ya washiriki 30.





## **Tido Mhando awapa somo Wanahabari za Michezo**

Jumla ya washiriki 30 wa Semina ya wandishi wa habari za michezo wamekabidhiwa vyeti vya ushiriki na Mkurugenzi Mtendaji wa Azam Media Tido Mhando,wakati wa ufungaji wa semina hiyo Septemba 27 mwaka huu.



Semina hiyo iliyoandalika na Shirikisho la Mpira wa Miguu Tanzania (TFF) kwa kushirikiana na Kamati ya uhamasishaji ya wanahabari ilifanyika kwa muda wa siku tano kuanzia Septemba 23 hadi Septemba 27 katika hoteli ya Serene Beach Resort,Dar es Salaam.

Mhando ambaye pia ni mwanahabari nguli,aliwaasa washiriki wa semina hiyo kuwa waitumie semina hiyo kama chachu ya kufanya mabadiliko kwenye tasnia ya habari pamoja na kufanya kazi kwa uweledi na uadilifu.

"Huu ndio uandishi,at the end of the day unatakiwa kuwaachia watu katikati wafanye uamuzi wenyewe,ukiwa kama mwandishi unatakiwa uwaache watu waseme nini na kuachana na ushabiki, wakati mwininge tunatakiwa kuhakikisha kalamu zetu,sauti zetu na picha zetu zinafanya kazi kwa uadilifu na ufanisi wa kazi za mpira,"alisema Tido

"Ndio maana niliona ni bora nieleze nilipotoka hadi nilipofika na mkae kujua kuwa ni mpira huu huu ndio ulionitoa huko nilipokuwa na kunifikisha hapa nilipofika kwahiyo mnapaswa kuuheshimu na kuutumikia kwa maslahi mapana ya nchi yetu na soka letu."

Semina hiyo ya wanahabari iliendeshwa na wakufunzi wa ndani na nje ya nchi,kwa upande wa nje ya nchi alikuwa Collins Okienyo kutoka Kenya na wakufunzi wa ndani walikuwa Leslie Liunda,Kidao Wilfred na Rashid Kejo.





**azamTV**

## Burudani kwa Wote

**Official Broadcaster  
of VPL & LALIGA**



AzamTV  
**APP**



### Contacts:

Azam Media Limited

0784108000

0764700222

0225508080

Email: [info@azam-media.com](mailto:info@azam-media.com)

Tangaza nasi kupitia:  
[advertising@azam-media.com](mailto:advertising@azam-media.com)



**Kwa Wiki**



**CHANNELS  
55**

**LITE**

Tsh.  
5,000

**CHANNELS  
60**

**PURE**

Tsh.  
7,000

**Kwa Mwezi**

**Lite**

Zaidi ya Chaneli 55

**15,000/-**

Kwa Mwezi

**Pure**

Zaidi ya Chaneli 60

**18,000/-**

Kwa Mwezi

**Plus**

Zaidi ya Chaneli 90

**23,000/-**

Kwa Mwezi

**Play**

Zaidi ya Chaneli 105

**28,000/-**

Kwa Mwezi

**Michezo, Habari, Burudani, tamthilia, Katuni, Documentary**

# **Washiriki Semina ya Wanahabari waipongeza TFF**



"Kwanza nitoe shukrani zangu za dhati kwa TFF kwa kutuandalia semina hii kwa sisi wanahabari kiukweli tumeweza kufundishwa vitu vingi sana kuhusu habari za michezo na jinsi ya kuripoti stori zetu na mambo mengine mengi ambayo kwa sisi kama wanahabari tunaamini vitatusaidia kufanya vizuri zaidi,sisi kama wanahabari tumeweza kuongezewa vitu vingi na wakufunzi wetu akiwemo Mr Collins Okinyo na wengineo wote,"*Mwanaidi Suleiman*

"Nikiwa kama mmoja wa washiriki wa semina hii ambayo imeandaliwa na TFF,kiukweli hii semina imekuwa na manufaa makubwa sana kwa sisi ambao tume Shiriki,tunaamini kwa siku zote ambazo tumekaa hapa kujifunza ni jambo zuri na tumejifunza mambo mengi sana,ningependa kuchukua fursa hii kuishukuru TFF kwa kutuandalia semina hii adimu," *Ommary Mdose*



## **CAF yateua waamuzi wanne wa Tanzania**

Shirikisho la Mpira Barani Afrika CAF limewateua waamuzi wanne wa Tanzania kuchezesha mchezo wa kufuzu Fainali za Afrika 2021 kati ya Sudani Kusini dhidi ya Shelisheli.

CAF imewateua Emmanuel Mwandembwa atakayekua Mwamuzi wa katikati,Ally Kinduli Mwamuzi msaidizi namba 1,Soud Lila Mwamuzi msaidizi namba 2 na Elly Sasii atakayekuwa Mwamuzi wa akiba.

Mchezo huo unatarajia kuchezwa katika Uwanja wa El Merriekh Oktoba 9,2019.

## **TFF waomboleza kifo cha Dilunga**

Rais wa Shirikisho la Mpira wa Miguu Tanzania Wallace Karia,ametuma salamu za rambirambi kwa familia ya Mcnezaji wa zamani wa timu ya soka ya Simba na taifa Stars Abbasi Dilunga ‘Sungura’aliyefarikia Septemba 26 Chanika Dar es Salaam.

Ndugu Karia akitoa salamu za rambirambi kwa niaba ya TFF amesema amepokea kwa mshtuko kifo cha Abbasi Dilunga ambaye anaimani bado mchango wake katika mpira ulikuwa ukihitajika katika familia ya mpira.

Rais Karia ametoa pole kwa familia ya marehemu Abassi Dilunga akiwemo mtoto wake Said Dilunga,ndugu jamaa,marafiki na familia ya mpira kwa kwa msiba huo mzito.

## **Picha za wiki**



## Simba Savers Account

Jiongeze tu, akaunti hii  
itakulea.

Tembelea tawi letu lolote kwa taarifa zaidi.



Riba ya  
**7%**  
kwa mwaka

# **Yanga mguu ndani,Azam mguu nje kimataifa**

Matokeo ya michezo miwili ya klabu za soka za Tanzania za Yanga iliyokuwa ikicheza mchezo wa klabu bingwa Afrika na Azam FC waliokuwa wakicheza kombe la Shirikisho,hayakuwa mazuri na kuzifanya timu hizo kupoteza nafasi ya kuendelea na michuano hiyo.

Licha ya matokeo waliyoyapata Yanga ya kufungwa mabao 2-1 katika mchezo uliofanyika katika dimba la Levy Mwanawasa,Ndola Zambia lakini wamepata nafasi ya kuendelea kwenye michuano ya kombe la Shirikisho, ambapo itakuwa ikisubiri ku-cheza kati ya Proline (Uganda),Triangle (Zimbabwe),Zanaco (Zambia) au TS Galaxt Fc ya Afrika Kusini.

Wakati hali ikiwa hivyo,Azam FC wao wameondoshwa kwenye michuano ya kombe la Shirikisho baada ya kufungwa tena bao 1-0,ikiwa ni baada ya mchezo wa awali uliopigwa Chamazi nao kufungwa kwa idaid hiyo ya bao 1-0.



## **Ratiba ya Mechi za Klabu Bingwa Afrika Hatua ya Pili 2019/20 MATOKEO 28.09.2019**

**Zesco United (Zambia)**      2 - 1      **Young Africans (Tanzania)**



## **Ratiba ya Mechi za Kombe la Shirikisho Hatua ya Pili 2019/20**

**MATOKEO 28.09.2019**

**Triangle FC (Zimbabwe)**      1 - 0      **Azam FC (Tanzania)**

## **LIGI KUU VODACOM TANZANIA BARA 2019/2020**

**MATOKEO 28.09.2019**



**RATIBA 29.09.2019**





## KUFUZU MAKUNDI CHAN

MARUDIANO 18.10.2019

SUDAN



VS

TANZANIA



Shirikisho la Mpira wa Miguu Tanzania (TFF)  
Karume Memorial Stadium  
Uhuru/Shaurimoyo Road P.O.Box 1574  
Telefax: +255 22 286 1815 Ilala - Dar es Salaam  
Email: tanfootball@tff.or.tz  
Website: www.tff.or.tz

Play Fair, Be Positive

@tanfootball | tfftanzania | TFF TV | www.tff.or.tz